

ЎЗБЕКИСТОН ПРЕЗИДЕНТИ РОССИЯ ДЕЛЕГАЦИЯСИ БИЛАН ҲУДУДЛАРАРО ҲАМКОРЛИКНИ КЕНГАЙТИРИШ МАСАЛАЛАРИНИ МУҲОКАМА ҚИЛДИ

Ўзбекистон Республикаси Президенти Шавкат Мирзиёев 23 март куни Татаристон Президенти Рустам Минниханов бошчилигидаги Россия Федерацияси делегациясини қабул қилди.



Ўзбекистон ҳудудларининг Татаристон билан ўзаро манфаатли ҳамкорлигини кенгайтиришнинг амалий жиҳатлари кўриб чиқилди.

Илгари эришилган келишувларга мувофиқ икки мамлакат етакчи корхоналари ўртасида шериклик алоқалари ва кооперация ривожла-

наётганининг илк муҳим натижалари мамнуният билан қайд этилди.

Ўзаро савдо ҳажми ортиб, номенклатураси сифатли кенгаймоқда, қатор инвестиция лойиҳалари амалга оширилмоқда. Бугун Тошкент вилоятида янги “Чирчиқ” технологик парки қўшма лойиҳасига старт берилди.

Гуманитар йўналишда, шу жумладан, таълим ва маданият соҳаларида муҳим дастурлар амалга оширилмоқда.

Саноат кооперацияси, ахборот технологиялари, транспорт ва логистика, фармацевтика ва туризм соҳаларида лойиҳаларни янада илгари суришга алоҳида эътибор қаратилди.

Турли даражалардаги фаол мулоқотларни ва “Йўл харитаси” асосида биргаликдаги ишларни давом эттиришга келишиб олинди.

Ў.А.

Ўзбекистон Республикаси Президенти
Матбуот хизмати сурати.

Ўзбекистон Республикаси Президентининг ҚАРОРИ

ИҚТИСОДИЁТДА ДАВЛАТ ИШТИРОКИНИ ЯНАДА ҚИСҚАРТИРИШ ВА ХУСУСИЙЛАШТИРИШНИ ЖАДАЛЛАШТИРИШГА ОИД ҚЎШИМЧА ЧОРА-ТАДБИРЛАР ТЎҒРИСИДА

Иқтисодиётда давлат иштирокини қисқартириш ва хусусий секторни ривожлантириш учун шарт-шароитлар яратиш, давлат активларини шаффоф ҳолда хусусийлаштириш жараёнини тезлаштириш мақсадида:

- Давлат активларини бошқариш агентлиги (кейинги ўринларда — Агентлик) томонидан Молия вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳамда давлат иштирокидаги корхоналар билан биргаликда **60 га** яқин вазирлик, идора ва **2 мингдан** ортиқ давлат иштирокидаги корхоналарнинг **12 мингдан** ортиқ улушлари ва **кўчмас мулк объектлари** ялпи хатловдан ўтказилганлиги маълумот учун қабул қилинсин.
- Қорақалпоғистон Республикаси Вазирлар Кенгаши Раисининг, вилоятлар ва Тошкент шаҳар ҳокимларининг, вазирлик, идора ҳамда ҳўжалик бошқаруви органлари раҳбарларининг давлат активларини бошқариш йўналишидаги асосий вазифаларидан

(Давоми 2-бетда).

«ЧИРЧИҚ» КИМЁ-ИНДУСТРИАЛ ТЕХНОПАРКИ ФАОЛИЯТИГА СТАРТ БЕРИЛДИ

Тошкент вилоятининг Чирчиқ шаҳрида «Чирчиқ» кимё-индустрал технопаркиннинг очилиш маросими бўлиб ўтди.

Унда Ўзбекистон Республикаси Бош вазири Абдулла Арипов, Татаристон Республикаси Президенти Рустам Минниханов, Ўзбекистон ва Татаристон вазирлик, идора ва ташкилотлари раҳбарлари, кимё ва нефть-кимё sanoati вакиллари, тадбиркорлар ва кенг жамоатчилик вакиллари қатнашди.

Дастлаб фахрий меҳмонлар ва тадбир иштирокчилари “Чирчиқ” кимё-индустрал технопарки тақдими,

ҳудуди, имкониятлари ва технопарк резидентлари томонидан ишлаб чиқариладиган маҳсулотлар кўргазмаси билан танишди.

Тантанали маросимда сўзга чиққанлар Наврўз умумхалқ байрами нишонланаётган шу кунларда бу каби ташаббусларнинг амалга оширилаётгани, аввало, халқларимиз фаровонлигини таъминлашга хизмат қилишини таъкидлади.

➡ 3

Ўзбекистон Республикаси Президентининг ҚАРОРИ

2022 – 2026 ЙИЛЛАРДА «ОБОД ҚИШЛОҚ» ВА «ОБОД МАҲАЛЛА» ДАСТУРЛАРИНИ АМАЛГА ОШИРИШ ЧОРА-ТАДБИРЛАРИ ТЎҒРИСИДА

Сўнгги уч йилда “Обод қишлоқ” ва “Обод маҳалла” дастурлари доирасида **1 500 дан** ортиқ қишлоқ ва маҳаллалардаги йўл-транспорт инфратузилмаси, муҳандислик-коммуникация тармоқлари ҳамда ижтимоий соҳа объектларида қурилиш ва ободонлаштириш ишлари амалга оширилди, хизмат кўрсатиш шохобчалари ташкил этилди, шунингдек, уларда истиқомат қилаётган аҳолининг турмуш шароитини яхшилашга қаратилган кенг қўламли чора-тадбирлар амалга оширилди.

Шу билан бирга, республикада ўтказилган хатлов натижасида **ижтимоий-иқтисодий муаммолари кўп бўлган 1 071 та қишлоқ ва маҳаллалар мавжудлиги аниқланди.**

Бундан ташқари, қишлоқ ва маҳаллаларнинг **179 тасида** пахсадан ва хом гиштдан қурилган умумтаълим мактаблари (мактаб филиаллари) фаолият кўрсатмоқда, **5 568 тасида 29 минг километр** тупроқ йўллар қаттиқ қопламга (қум-шағал, асфальт) ўтказилмаган, **1 540 таси** марказлашган ичимлик суви билан таъминланмаган, шунингдек, **49 тасида** жамоат транспорти қатнови

ҳамда **781 тасида** чиқинди йиғиш хизматлари йўлга қўйилмаган.

“Обод қишлоқ” ва “Обод маҳалла” дастурларини амалга оширишни изчил давом эттириш орқали аҳолининг турмуш даражасини янада яхшилаш мақсадида, шунингдек, 2022 — 2026 йилларга мўлжалланган Янги Ўзбекистоннинг тараққиёт стратегиясини “Инсон қадрини улуғлаш ва фаол маҳалла йили” да амалга оширишга оид давлат дастурига мувофиқ:

- Туман (шаҳар) халқ депутатлари Кенгашилари томонидан Халқ қабулхоналари ва маҳаллий ҳокимликларга тушган мурожаатлар сони, олис ва табиий иқлим шароити оғир ҳудудда жойлашганлиги, аҳоли ва тадбиркорларнинг ўзлари истиқомат қилаётган ҳудудни биргаликда ободонлаштириш ҳақидаги ташаббуслари мавжудлигини инобатга олган ҳолда “Обод қишлоқ” ва “Обод маҳалла” дастурлари (кейинги ўринларда — Дастурлар) доирасида 2022 йил учун:

қурилиш, таъмирлаш ҳамда ободонлаштириш ишлари амалга ошириладиган **жами 413 та қишлоқ ва маҳалла таллаб олинганлиги;**

(Давоми 2-бетда).

КўП ҚИРРАЛИ МУНОСАБАТЛАР ИСТИҚБОЛЛАРИ КўРИБ ЧИҚИЛДИ

Кеча Олий Мажлис Сенати Раиси Танзила Норбоеванинг Тошкент халқаро инвестиция форумида иштирок этиш учун мамлакатимизга ташриф буюрган Туркий давлатлар ташкилоти (ТДТ) Оқсоқоллар кенгаши раиси Бинали Йилдирим бошчилигидаги делегация билан учрашуви бўлиб ўтди.

Мулоқот

Сенат Раиси меҳмонларни қутлар экан, ТДТ ва Туркия нуфузли делегациясининг мазкур тадбирда иштирок этиши Ўзбекистон билан кўп қиррали муносабатларни янада изчил ривожлантиришга ва ҳамкорликни чуқурлаштиришга хизмат қилишига ишонч билдирди.

Мулоқот чоғида мамлакатимиз ва Туркий давлатлар ташкилоти ўртасидаги кўп қиррали

муносабатларнинг бугунги ҳолати ва истиқболлари муҳокама этилди.

Бинали Йилдирим Ўзбекистон Республикаси Президенти раҳлан кўп қиррали муносабатларни янада изчил ривожлантиришга ва ҳамкорликни чуқурлаштиришга натижаларини кўришдан бахтиёрлигини изҳор этди. Айниқса, Президент Шавкат Мирзиёевнинг конструктив сиёсат юритиши

Ўзбекистон ва Туркия ўртасидаги ўзаро манфаатли муносабатларни янада ривожлантиришнинг асоси эканини таъкидлади.

Учрашувда Туркий давлатлар ташкилотига аъзо мамлакатлар ўртасидаги кўп қиррали ҳамкорлик муносабатларини янада мустаҳкамлаш, шу жумладан, савдо ва транспорт соҳаларини ривожлантириш муҳим аҳамият касб этиши таъкидланди.

Суҳбат чоғида Туркий давлатлар ташкилоти олдида турган вазифаларни амалга оширишда парламент аъзоларининг ролини кучайтириш муҳимлигига ҳам эътибор қаратилди.

Олий Мажлис Сенати
Ахборот хизмати.

ИҚТИСОДИЁТ РИВОЖИНИНГ БУГУНГИ ҲОЛАТИ ТАҲЛИЛ ҚИЛИНИБ, ҚЎШИМЧА ЧОРАЛАР БЕЛГИЛАНДИ

Ўзбекистон Республикаси Президенти Шавкат Мирзиёев 23 март куни иқтисодиёт барқарорлигини таъминлаш чора-тадбирлари муҳокамаси юзасидан йиғилиш ўтказди.

— Коронавирус пандемияси пайтида ҳамма соҳаларни оғир шароитдан олиб чиқиш бўйича қарорлар қабул қилганимиз ўз натижасини берди. Ҳозирги вазиятда ҳам хавф-хатарларни олдиндан кўра билишимиз зарур. Дунёда бўлаётган воқеалар натижаларга салбий таъсир кўрсатмаслиги учун аниқ чора-тадбирларни белгилаб олишимиз зарур. Айниқса, тадбиркорларга енгиллик яратиб, ҳар томонлама қўллаб-қувватлашимиз керак, — деди давлатимиз раҳбари.

Шундан келиб чиқиб, йиғилишда иқтисодиёт ривожининг бугунги ҳолати таҳлил қилинди ва қўшимча чоралар белгиланди.

Иқтисодий тараққиёт ва камбағалликни қисқартириш вазирлиги, Инвестициялар ва ташқи савдо вазирлигига тадбиркорлар билан кўлик мулоқот ўрнатиб, уларнинг лойиҳалари, ишлаб чиқариш фаолияти, экспорт-импорт амалиётларига қўмаклашиш бўйича топшириқлар берилди.

Тармоқ ва ҳудудларда кўлик мониторинг ўрнатиб, юзга келиши мумкин бўлган хатарларнинг олдини олиш бўйича тезкор чоралар кўриш вазифаси қўйилди. Тадбиркорлик субъектларига айланма маблағларини тўлдирishi учун револьвер кредит бериш тизимини янада соддалаштириш зарурлиги айтилди.

Президентимиз экспорт масаласига ҳам тўхталиб,

экспортчи корхоналарнинг транспорт-логистика масалаларини ҳал қилиб бориш, уларнинг транспорт харажатларини қисман қоплаш амалиётини кенгайтириш бўйича кўрсатма берди.

Маълумки, бугунги кунда дунёда озиқ-овқат маҳсулотларини етказиб беришда муаммолар кузатишмоқда ҳамда уларнинг нархи сезиларли ошмоқда. Шу боис Вазирлар Маҳкамасига ички бозорда нархлар барқарорлигини таъминлаш, буғдой, ўсимлик ёғи, шакар ва бошқа озиқ-овқат маҳсулотларини импорт қилувчи тадбиркорларга қўмаклашиш орқали аҳоли талабни қондириш бўйича қўшимча топшириқлар берилди. Шунингдек, инфляция даражасини камайтириш ва унинг мақсадли кўрсаткичларга тезроқ қайтишни таъминлаш Ҳукуматнинг асосий вазифаси экани яна бир бор қайд этилди.

Марказий банкка ташқи валюта бозоридagi ноаниқ вазиятни инобатга олган ҳолда, ички валюта бозори барқарорлиги ва алмашув курси мослашувчанлигини таъминлашда эҳтиёткорона ёндашувни қўллаб бориш муҳимлиги кўрсатиб ўтилди. Бунда ички валюта бозоридagi ҳолатни кўник кузатиб, тадбиркорларни, умуман, халқимизни жорий вазият, қўтилаётган ўзгаришлар ва қўрилаётган чоралар ҳақида хабардор қилиш кераклиги таъкидланди.

Ў.А.

ХАЛҚАРО ИНВЕСТИЦИЯ ФОРУМИ

Иқтисодиётимизни юксалтириш йўлидаги яна бир мақсадли қадам

Шу йилнинг 24 — 26 март кунлари Тошкент халқаро инвестиция форуми бўлиб ўтади. Биринчи бор ташкил этилаётган нуфузли тадбирда халқаро ташкилотлар ва молиявий тузилмалар, 56 та давлатдан 1,5 мингдан зиёд йирик инвесторлар ҳамда юқори мартабали меҳмонлар қатнашиши кутилмоқда. Хусусан, Европа тикланиш ва тараққиёт банки, Осиё тараққиёт банки президентлари, вазирлар, йирик корпорация ва компаниялар раҳбарлари иштирок этади. Мазкур анжуман мамлакатимиз иқтисодиёти учун зарур бўлган истиқболли лойиҳаларнинг тақдимот платформаси бўлиб хизмат қилади. Юртимиздаги имкониятлар, хорижий инвесторлар учун яратилган шароитлар ва жозибадор йўналишлар таништирилади.



Инвестор учун мамлакатнинг инвестицион жозибадорлигини баҳолаш, унинг имкониятларини ҳисобга олиш муҳим саналади. Бугунги кунда Ўзбекистонда қулай инвестиция муҳитини мунтазам равишда яхшилаб боришни таъминлаш устувор масаладир. Бунда давлатнинг асосий вазифаси капитал жалб қилиш учун қулай инвестиция муҳитини яратиш ва унинг жозибадорлигини ошириш билан изоҳланади. Хорижий инвестицияларнинг миллий иқтисодиётга йўналтиришдан манфаатдорлиқ ҳар қандай давлатнинг ўз инвестиция сиёсатини ишлаб чиқишини талаб этади. Бу сиёсат хорижий инвестицияларни жалб қилишнинг ўзига хос йўналишини, шунингдек, бу борадаги рағбатлантириш тизимини аниқлаб беради ва инвестиция фаолиятининг ҳуқуқий тартибини белгилайди.

Жаҳон тажрибаси шуни кўрсатадики, қайси давлат фаол инвестиция сиёсатини юритган бўлса, ўз иқтисодиётининг барқарор ўсишига эришган. Шу сабабли ҳам инвестиция — бу иқтисодиёт драйвери, оддий қилиб, иқтисодиётнинг юраги, десак, муболага бўлмайди. Биз фақат инвестицияларни фаол жалб қилиш, янги ишлаб чиқариш қувватларини ишга тушириш ҳисобидан иқтисодиётимизни жадал ривожлантиришга эришамиз. Бу йўналишдаги ижобий натижалар эса ижтимоий соҳада тўпланиб қолган муаммоларни тизимли ҳал этиш имконини яратади. Хорижий инвестицияларни кенг жалб қилиш учун мамлакатимизнинг инвестиция салоҳиятини тўла намойён этиш чораларини кўришимиз кундалик ҳаётимиздан жой олган энг долзарб масалалардан бири.

➡ 3

